

Evening Dogri (NSD) News

20-June 2026

खास खबरां

1. प्रधानमंत्री नरेन्द्र मोदी ते राष्ट्रपति द्रौपदी मुरमू होरें ओडिशा च 47 ज्हार 6 सौ करोड़ रुपें दी विकास परियोजनाएं दा शुभारम्भ कीता।
2. सरकार नै 16 Fixed Dose Combination –FDC दोआएं दे निर्माण- बिक्री ते बंड बपार पर जनहित लेई रोक लाई दिती ऐ।
3. इम्तेहानें सरबन्धी राष्ट्री एजेंसी NTA आसेया NEET UG दे परतिऐ लैते जाने आहले म्तेहान शा पैहले अज्ज मुख भरै च मॉक ड्रिल आहला अभ्यास करोआया गेआ।
4. मौसम विभाग ते उप-हिमालयी पश्चिमी बंगाल ते सिक्किम च कल्लै तोड़ी खरी मती बरखा पौने दे सरबन्ध च रैड अलर्ट जारी कीता ऐ।
5. कैलाश मानसरोवर यात्रा 2026 दे यात्रुएं दा पैहला जत्था नाथू ला पास राएं अज्ज चीन पुज्जी गेआ ऐ।
6. फीफा विश्व कप च हायती गी 3-0 कन्नै हराइयै ब्राज़िल ने अपनी पहली जित्त दर्ज कीती।

<><><><><><>

PM- Prayers

प्रधानमंत्री नरेन्द्र मोदी होरें ओडिशा दे मयूरभंज जिले द पहाड़पुर गां च संथली जाहेरा-गोशानि पीठ ते हो जाहेरा पवित्र रुख-बूहटे दी अज्ज पूजा-अर्चना कीती। उन्दे कन्नै राष्ट्रपति द्रौपदी मुरमू होर बी हियां। प्रधानमंत्री होरें गूढी जनजाती धरोहर- रिवायती कारीगिरी ते क्षेत्र दे मकामी उत्पादें दी प्रदर्शनी दिक्खी ते मयूरभंड दे जातीय समुदाय दी सांस्कृतिक रस्में-रिवाजें बारे जानने आस्तै मकामी बसनीकें कन्नै गल्लबात बी कीती। ओडिशा दी जनजातीय तोड़ी महत्वपूर्ण पुज्ज बनाने दे कार्यक्रम च राष्ट्रपति द्रौपदी मुरमू होर अज्ज प्रधानमंत्री हुंदे कन्नै हियां जिसले उनें गां पहाड़गंज दा दौरा लाया गेया। प्रधानमंत्री होर हुनर विकास केन्द्र ते SLS मैमोरियल रेजिडेंशियल स्कूल बी गे ते बच्चें कन्नै गल्लबात करदे होई उनें पढाई ते हुनर सिखलाई जरिए आत्म निर्भर बनने लेई प्रेरित किता। ए दौरा इसकरियै बी खास हा कीजे अज्ज राष्ट्रपति हुंदे 68में जन्मदिन दे मौके उन्दे गां दा दौरा किता गेआ। राष्ट्रपति ते प्रधानमंत्री होर ओडिशा सरकार दे 2 बरे पूरे होने दे उपलक्ष च रायरगपुर दे दण्डबोस च इक बड्डे समारोह च शामिल होए। 47 ज्हार करोड़ रुपए दी विकास परियोजनां दा शुभारम्भ किता जा'रदा ऐ ते केंइयें गी देश निमित लाया जा'रदा ऐ। ए

परियोजनां ऊर्जा- परिवहन- औद्योगिक ढांचे- सेहत सेवा- शिक्षा- सिंचाई ते पीने आहले पानी जनेई सुविधाएं पर आधारित ना।

<><><><><><>

16 Medicines

केन्द्र सरकार नै 16 Fixed Dose Combination –FDC दोआइयें दे निर्माण-बिक्री ते बंड उप्पर फौरी प्रभाऽ कन्नै रोक लाई दिती ऐ। एह फैसला सर्वोच्च अदालत दे निर्देश पर कीती गेदी माहिराना कमेटी दी समीक्षा दे बाद लैता गेआ ऐ। कमेटी नै दिक्खेआ जे इनें दवाइएं दे संयोजन दा कोई उचित डाक्टरी मकसद नैई ऐ ते इन्दे इस्तेमाल कन्नै सेहत सरबन्धी जोखिम पैदा होई सकदे ना। प्रतिबंधित दवाइएं च चमड़ी दे रोग- जकड़न- दर्द निवारण ते किश Antibiotic दवाइयां शामिल ना। सेहत ते परोआर कल्याण मंत्रालय नै आखेआ ऐ जे इस गैह दा मकसद छड़ा सुरक्षित- असरदार ते वैज्ञानिक तौर पर प्रमाणित दवाइयें दी उपलब्धता जकीनी बनाना ऐ।

<><><><><><>

PM -Navy Platforms

प्रधानमंत्री नरेन्द्र मोदी कल कोलकाता च नौसेना दे स्वदेशी तौर पर बनाए गेदे 3 ज्हाजें- INS दुनागिरी- INI संशोधक ते INS अग्रय गी पानियै च तोआरडन। इनें ज्हाजें दा निर्माण भारत च कीता गेदा ऐ ते इन्दा इस्तमाल समुन्दरी सुरक्षा- सर्वेक्षण ते पुद्दुचेरी रोधी अभियानें च कीता जाहगा। इनें पोतें च 75 फीसद शा मती स्वदेशी समग्री दा इस्तेमाल कीता गेआ ऐ। इन्दे निर्माण च 200 शा मते उद्यमें जोगदान दिता ऐ।

<><><><><><>

BRICS

भारत संगारें थमां शुरु होआ रदी दंऊ दिनें दी ब्रिक्स राष्ट्री सुरक्षा सलाहकारें दी बैठक दी मेज़बानी करोग। बैठक दी अध्यक्षता राष्ट्री सुरक्षा सलाहकार अजीत डोभाल करडन। बदेश मंत्रालय मूजब- बैठक च ब्रिक्स देशें दे राष्ट्री सुरक्षा सलाहकार ते प्रतिनिधिमंडल नमीं सुरक्षा चुनौतियें पर बचार-बटांदरा करगंन। बैठक च नमीं तकनीकें कन्नै जुड़े दे सुरक्षा खतरें ते आतंकवाद कन्नै निब्बड़ने दे उपाएं पर बी चर्चा होग।

<><><><><><>

Indi-SK Cooperation

भारत ते दक्खन कोरिया ने लोक प्रशासन ते डिजिटल शासन च सहयोग गी गूढा करने आस्तै इक बारी परतिए प्रतिबद्धता जताई ऐ। केन्द्री मंत्री जितेन्द्र सिंह होरें नमीं दिल्ली च अज्ज दक्खन कोरिया दे अंदरुनी सुरक्षा सरबंधी मंत्री यून होजुंग उन्दे कन्नै दपक्खी गल्लबात कीती। चर्चा दौरान मता ध्यान डिजिटल शासन- E सरकार- लोक प्रशासन- कार्य क्षमता निर्माण- नागरिक केन्द्रित सेवा सहूलतें दे क्षेत्र च आपसी सहयोग बढाने पर दिता गेआ।

<><><><><><>

NTA-NEET

म्तेहानें सरबंधी राष्ट्री एजेंसी एन.टी.ए आसेआ नीट यूजी दे परतियै लैते जाने आहले म्तेहान शा पैहले अज्ज मुख भरै च एहदे लेई मॉक ड्रिल आहला अभ्यास करोआया जा'रदा ऐ। नैशनल टेस्टिंग एजेंसी (NTA) नै आखेआ ऐ जे ओह कल परतियै लैते जाने आहले राष्ट्री योग्यता ते दाखला म्तेहान (NEET-UG2026) दे बवस्थित ते निरपक्ख संचालन लेई पूरी चाल्ली तैयार ऐ। इक ब्यानै च NTA नै दस्सेआ ऐ जे एह म्तेहान भारत दे शैहरें ते 551 ज्हार मेदवारें आस्तै आयोजित कीता जाग। 90 लक्ख 22 शैहरें च 14 बाहरले मुखें दे लक् 2 पुलस बल ते प्रशासकें सनें -समन्वयक -एजेंसी नै दस्सेआ ऐ जे निगरानख शा मते कर्मियें गी तैनात कीता गेआ ऐ। NTA नै इब्बी आखेआ ऐ जे निरपक्ख ते पारदर्शी परीक्षा जकीनी बनाने लेई बहुस्तरीय सुरक्षा ढांचा तैयार कीता गेआ।

<><><><><><>

IMD –Weather

भारती मौसम विभाग ने उप-हिमालयी पश्चिम बंगाल ते सिक्किम दी किश थाहरें पर कल तोड़ी खरी-भारी बरखा पौने दे सरबंधै च रेड Colour चेतावी जारी कीती ऐ। विभाग नै केरल-माहे-तमिलनाडु- पुद्दुचेरी- कराईकल ते उत्तरपूर्वी भारत च बी मती बरखा पौने दी पेशगोई कीती ऐ। मौसम विभाग दा आक्खना ऐ जे हरियाणा- चंडीगढ़- पंजाब- दिल्ली- उत्तराखंड-पूर्वी मध्य प्रदेश- जम्मू/ कश्मीर- लद्दाख ते हिमाचल प्रदेश च बददल-गरजने ते अंधी-झक्खड़ जनेह हालात बने दे रौहगंन। बिहार- आंध्र प्रदेश- उत्तरी कर्नाटक- तेलंगाना- विदर्भ ते अंडमान- निकोबार द्विप समूह च बी अगले 2 दिनें तोड़ी इयै जनेह हालात बने दे रौहगंन।

जम्मू-कश्मीर लेई मौसम विभाग नै 22 जून तगर मौसम आमतौरा पर बदलोखड़ा रौहने ते केई सारी थाहरें पर इक या दो बारी बरखा पौने दी पेशगोई कीती ऐ। विभाग नै गरज-चमक, ऐन गड़ा पौने, बिजली चमकने ते धूड़ आहली अंधी चलने दी बी चेतावनी दिती ऐ।

<><><><><><>

IDY

कल पूरे विश्व च “अंतराष्ट्रीय योग दिवस” मनाया जाहग। कल 12वां अंतराष्ट्रीय योग दिवस मनाया जा’रदा ऐ जेदा विषय सार ऐ – Yoga for Healthy Ageing. (उम्र दे सेहतमंद तरीके कन्नै बदने आस्तै योग)। संस्कृति मंत्रालय पूरे देश दी 100 महत्वपूर्ण थाहरें पर योग दिवस दे मौके खास समारोह आयोजित करा रदा ऐ- जेदे कन्नै भारत दी गूढी सांस्कृतिक धरोहर ते योगा दी रिवायत दा मेल होआ रदा ऐ। All India Institute of Ayurveda नमीं दिल्ली ने रन फार योगा ते खास जुंबा सत्र दा आयोजन किता। मीडिया कन्नै गल्लबात करदे होई संस्थान दे निदेशक प्रोफैसर प्रदीप कुमार प्रजापति होरें आखेया जे योगा दी सिर्फ इक दिन गै नेही अपनाना चाईदा- सगुआं पूरे साल हर रोज सारेंगी योग करनी चाईदी। उ’नें आखेया जे रोज योगा करने-बक्ख बक्ख आसन करने कन्नै साड़ा शरीर ते मन स्वस्थ रौहदा ऐ। “योग दिवस” दा राष्ट्रीय समारोह प्रधानमंत्री हुंदी सरपरस्ती च कल कोलकाता दी ऐतिहासिक रैड रोड पर किता जा’रदा ऐ। सांस्कृतिक रिश्ते दी भारती परिषद ते भारत विदेश मिशन दे किट्टे जतनें कन्नै-कन्नै इस बरे पूरी दुनिया च 2 ज्हार 5 सौ थाहरें पर योग दिवस कार्यक्रम आयोजित किते जा’रदे न- जेदे च 210 भारती मिशन भाग लै’रदियां न।

<><><><><><>

IDY-Main Event Kolkata

“अंतराष्ट्रीय योग दिवस” दा मुख् राष्ट्रीय कार्यक्रम कल कोलकाता च आयोजित किता जा’रदा ऐ। आकाशवाणी समाचार कन्नै खास गल्लबात च आयुष मंत्रालय दे केन्द्रीय राज्यमंत्री Pratap Rao Jadhav होरें आखेया जे हर उम्र दे तबके लेई योग दिवस गी आकर्षत बनाने आस्तै सरकार नै केई नमियां कोशिशं कितियां न। इक मनुक्ख थमां दुए मनुक्ख तोड़ी नेहीं फैलने आली बिमारियें आस्तै खासकरियै सबूतें पर आधारत योगा नियमें दी शुरुआत किती गेई ऐ- जेदे तैहत किश बिमारियें थमां ठीक होने आस्तै बक्ख-बक्ख आसन करने आस्तै सलाह दिती गेई ऐ। मंत्री होरें मती जानकारी दिंदे होई दस्सेआ जे कामकाजी लोकें आस्तै सरकार तरफा नमीं ऐप्प Y ब्रेक दी शुरुआत बी कीती गेई ऐ।

Prez- IDY MP

जबलपुर- मध्य प्रदेश च राष्ट्रपति द्रौपदी मुर्मू होर राज्य स्तरीय अंतराष्ट्रीय योग दिवस कार्यक्रम च मुख अतिथि होगन। ए कार्यक्रम कल बडुलै साड्डे 7 बजे सदर च गैरिसन ग्राउंड च शुरु होग। राष्ट्रपति होर भारती वायु सेना दे खास विमान राएं अज्ज शामी जबलपुर पुजगन- जित्थे राज्यपाल मंगुभाई पटेल होर उन्दा हवाई अड्डे पर स्वागत करगन।

<><><><><><>

Vadrious Progs.-IDY

स्लोवाकिया च अंतराष्ट्रीय “योग दिवस” दे मौके पर कार्यक्रम आयोजित किते जा’रदे न। स्लोवाक रिपब्लिक च भारती राजदूत-अपूर्वा श्रीवास्तव होरें आकाशवाणी गी दस्सेआ जे योगा ते आयुर्वेद स्लोवाकिया च बडे मशहूर न। भारती राजदूती दफ्तर ते दुई संस्था राजधानी-ब्रातिसलावा ते होर थाहोरें पर कल केई कार्यक्रम आयोजित करा’रदे न। अपूर्वा श्रीवास्तव होरें जानकारी दिती ऐ जे राजदूती दफ्तर च रोज-2 योगा सत्र आयोजित किते जा’रदे न। प्रधानमंत्री नरेन्द्र मोदी उन्दे हालिया दौरै दौरान आयूष तरफा सहमति पत्र पर हस्ताक्षर किते गे हे जेदे कन्नै स्लोवाकिया च योगा दे मते विकास आस्तै रस्ते खुल्ली गे न।

<><><><><><>

Kailash Mansarovar Yatra

कैलाश मानसरोवर यात्रा 2026 जा’रदे श्रद्धालुएं दा पहला जत्था अज्ज नाथू ला पास राए चीन पुज्जी गेआ। सिक्किम दे राज्यपाल-ओम प्रकाश माथूर होरें पर्यटन मंत्री शेरिंग शेण्डूप भूटिया उन्दी मौजूदगी च पहले जत्थें गी झंडी दस्सियै रवाना कीता। इस जत्थे च 41 यात्रु- 2 सम्पर्क अधिकारी- इक स्वास्थ्य अधिकारी- 4 सहायता कर्मी शामिल न। कार्यक्रम दे मुताबक यात्रु अज्ज ज्ञानगङ्गे पुज्जी जागन। मानसरोवर परिक्रमा 27 जून गी किती जाग ते पहले जत्थे दी गैंगटाक तोड़ी वापसी अगले महीने दी पहली तरीख तोड़ी होग।

<><><><><><>

Bhaderwah Foxglove

डोडा जिले दी भद्रवाह घाटी इनें दिनें चौनें बक्खी तिलपुष्पि फुल्लें कन्नै खटोइयै इक बड़ा गै शानदार नजारा पेश करा’रदी ऐ। मन्नोपूरी घाटी पर कुसे नै इनें रंग-बिरंगें फुल्लें दी इक बड्डी चादर बछ्छाई दिती दी होऐ। तिलपुष्पि फुल्लें दा अंग्रेजी नां Foxglove ऐ। जेहदे चिट्ठे

गुलाबी- प्याजी ते जामनी रंगे दे फुल्ल इस घाटी दी खूबसूरती च चार-चन्न लाने दा कम्म करा करदे न ते सैलानियें लेई एह आकर्षण दा प्रमुख केन्द्र बने देन। भद्रवाह घाटी दे इक्क कोला बधियै इक्क खूबसूरत नजारा मते-मते सैलानियें गी अपनी भेठा आकर्षत करा करदा ऐ ते इनें नजारें दी पिच्छले किश अरसे दौरान मशहूरी दूरै-दूरै तगर होने कन्नै उत्थै सैलानियें दी आमद च बी उपरोतली बाद्दा होआ रदा ऐ- सैलसफा सरबंधि गतिविधियें गी बढ़ावा थ्होआ रदा ऐ ते लोकें लेई औंदन दे नमें मौके ते जरिए बी पैदा होआ रदे न।

<><><><><><>

Isreal Airstrike Labanon

लेबनान- इजरायल बश्कार संघर्ष विराम दे तुरत मगरा इजरायल बक्खिया जबल-अल-रफी पर हवाई हमला किता गेआ- जेड़ा दक्खन लेबनान दे कस्बे सजद कोल ऐ। हेजबुल्लाह दे कनून निर्माता इब्राहिम-अल-मौसावी दे आक्खने जे युद्धविराम उसलै तोड़ी जारी रौहग- जिसलै तोड़ी इजरायल औंदी शर्तें दा सम्मान करोग- दे किश घंटे मगरा ए हमला होआ। हेजबुल्लाह दे नेता नईम कासिम ने आखेआ ऐ जे अगर हमला होआ ते ओदा जवाब दिता जाग। उ'नें जोड़ेया जे हेजबुल्लाह गी खत्म करने दी कोशिश नाकाम रेही।

<><><><><><>

PM -Bengal

प्रधानमंत्री नरेन्द्र मोदी हारे अज्ज हुगली जिले दे तारकेश्वर च पश्चिमबंगा दिवस समारोह च हिस्सा लैता। उ'नें पी.एम किसान स्कीम दी 23मी किशत बी जारी कीती जेदे कन्नै 9 करोड़ 44 लक्ख करसानें गी 18 ज्हार 886 रुपए दा लाह थोआ। मोदी होरें रेलवे- राई बाई- ग्रामीण विकास- मच्छी पालन ते पशु पालन क्षेत्र कन्नै सरबंध्यत केंई विकास परियोजनाएं दा नीह पत्थर रक्खेया। इस मौके बोलदे होई प्रधानमंत्री होरें आखेया जे बंगाल दे विकास आस्तै बी.जे.पी. सरकार नै तेज रफ्तार कन्नै कम्म शुरू करी दिता ऐ। उ'नें उम्मीद जताई जे ए ऐतिहासिक पश्चिमबंगा दिवस पश्चिम बंगाल दे विकास आस्तै प्रेरणा बनोग।

<><><><><><>

FIFA World Cup

फिलाडेल्फिया स्टेडियम च हायती पर 3-0 कन्नै जित्त हासल करिए ब्राज़िल नै पैहली बारी फिफा विश्व कप जित्ती लैता ऐ। 5 बारी विश्व चैम्पियन रहे दे मेथिउस कुन्हा ने पहले हाँफ च 2 गोल किते। ब्रेक कोला पैहले विनिशयस जुनियर ने त्रिया गोल किता ते टीम दी स्थिति मजबूत होई गई।

HM National Security

गृह ते सहकारिता मंत्री अमित शाह होरें राश्ट्री सुरक्षा ते बन्नें दे असरदार प्रबंधन दे प्रति सरकार दी वचनबद्धता गी फही पक्का करदे होई आखेआ ऐ जे गैर-कनूनी तौर पर मुख्य च दाखल होने आहलें गी रोकने ताई अगो बी पूरी तनदेही दे कन्नै जतन जारी रखे जाडन। उ' नें आखेआ जे प्रधानमंत्री नरेंद्र मोदी हुं'दे नेतृत्व च भारत ने पिच्छले 12एं बरें च विकास, सांस्कृतिक पुनरुद्धार, राश्ट्री सुरक्षा ते वैश्विक मान्यता दे खेत्तरें च महत्वपूर्ण प्रगति कीती ऐ। उ'नें आखेआ जे एहू ब'रे, देशै दे इतिहास च बदलावकारी विकास दे समें दे तौर पर चेत्ते कीते जाडन। अज्ज कोल्हापुर च 14 ज्हार 45 करोड़ रुपें शा मते दी श्री अंबाबाई मंदिर विकास परियोजना दा उद्घाटन करने परैन्त किठु अगो भाशण दिंदे होई श्री शाह होरें आसखेआ जे ऐतिहासिक शहर करवीर च स्थित श्री अंबाबाई मंदिर, देश भरै दे श्रद्धालुएं दी आस्था दा इक प्रमुख केंद्र ऐ। उ'नें आखेआ जे इस परियोजना दे तैह्त्त मंदिर परिसर च आधुनिक सुविधां विकसित कीतीआं जाडन। इस मौके पर महाराष्ट्र दे मुख्यमंत्री देवेंद्र फडणवीस ते होर दुए गणमान्य व्यक्ति बी उत्थे मजूद हे।

<><><><><><>